

興縣志卷之五

山川

古者封建錫之山川土田附庸故詩曰泰山巖巖魯邦所瞻又曰滔滔江漢南國之紀言國依山川以立也時異代殊郡國移易而名山大川亘古不遷故輿圖地志表此為宗其間形勢之勝攻守之宜物產之繁殖澗泉林麓之蔭溉具焉今之郡縣即古之列國有事於山川其同之矣飭山材通水利尤牧民者所首務也志山川

山

興縣志

卷之五

山川

一

峨嵋山

在縣署北三峯矗起中最高峯建文昌閣朱欄碧甍卓立雲霄其東建真武廟西則縣署之後宅也

南山

在縣城南蔚汾水南石壁峭拔峯巔有南山寺石壁高處有洞洞中鑄石成佛像無筭曰萬佛洞山下

石樓山

在縣東北五十里萬山之中一峯突起石壁層拔如樓閣狀峯頂寬平如砥勝境也

石堠山

在縣東北四十里其巔怪石攢簇曰蓮花峯峯西有石高數十丈形方如斧堠曰石堠峯峯北一峯另立石脈中斷以木架危橋而渡峯頂巨石周砌上有祠廟曰堠山寺石堠峯南巖壑幽邃有泉曰黑龍池池東曰白虎巖有僧與虎化於巖中今其墳猶在焉

大寨山 在縣東三十里石脈臥而疊起其高極目上有寨曰高王寨俗傳高歡所築也
桃花山 在縣東二十五里危峯獨秀雄視諸山其上有桃花寨山多桃杏三春花開爛

十盤山 在縣東七十里林木茂密巖壑秀美蹊徑盤廻凡十八曲而後躋其巔故名
合查山 在縣東南八十里高可二十里為諸山之冠數百里外望之蒼翠插天山頂有神祠禱雨輒應

陽山 在縣東南九十里即合查山之陽危峰刻削如聳刃怪石如龍瞰虎踞羅峙峯

春不敢仰視中峯之下曰伽佗嶺松檜數萬株皆合抱嶺上有廣應侯祠其高峯上建真武廟東峯有巖曰迴光巖林巒環周競秀爭奇入其中者不復知有人間世矣

興縣志

卷之五

山川

二

紫荊山 在縣西南九十里陂陀綿亘中多叢薄無日不生白雲朝暮之間氣象萬千

浩旻山 在縣西南一百二十里黃河岸上懸崖斗絕數百丈有石磴緣鉄索而升曰南天門上出重霄下臨深壑觀者股栗

採林山 在縣西南四十里林巒高峻舊志載採林積雪亦一景也

卧龍岡 在縣西北七十里岡南雙峯如兩墩兩墩之前石壁橫亘數千仞其下有洞水從洞出與嵐漪水合

小寨山 在縣北五十里一峯獨立上有寺廟蓋鄉人避兵處也

天磴山 在小寨山南石壁中裂從裂縫中望其中石面皆如磴齒狀齟齬相對

太平山 在縣北四十里前曰太平溝迤邐盤曲甚幽邃上有雙峯對峙曰雙山峪

洞

仙洞

在縣東桃花山南山腰一石穴可通人
人其中時寬時隘如門戶者三三門之
內有平地可二畝許四望皆石穴相通
遊者恐迷路不能窮其所止從南東一
穴入忽有清淵湛深水中三石柱上撐
洞頂燦如白玉柱兩旁有洞望之窈然
在縣東大寨山下口經尺餘人蛇行而
入其中如屋屋壁有小口人側身入則
又如屋屋頂有鐘
乳涓滴下成白石

石乳洞

樺林洞

在縣東南六十里山多樺木巖內洞穴
相通如陶復陶穴可容人居

北石洞

在縣東南合查山北峯頂石洞直透山
背望之通明

南石洞

在北石洞之南兩
峯相望洞狀畧同

水

黃河水

在縣西五十里自保德州入縣南達麟
縣河西岸為陝西府谷縣神木縣葭州

興縣志

卷之五

山川

三

等處

蔚汾水

發源嵐縣王圃山西流至界河口入興
縣界經縣治之南西流至黑峪口入黃
河

嵐漪水

發源於嵐州西流至溫泉入興縣界又
西流至裴家川口入黃河

南川水

發源於合查山西北流至趙家川口與
蔚汾水合入黃河

交樓水

發源於十八盤山西流至交口與蔚汾
水合

泉

通惠泉

在城北樓霞觀下泉上有水神祠流至
北門引入城中緣街穿巷半出西門半
出南門水清而
甘合邑取汲焉

五龍泉

在城東五龍祠旁上下五泉皆清而甘
煎茶甚佳不咸谷廉第一也

介泉

在縣東界河口清暉亭下

新泉

在清暉亭東

卦石泉

在桃花山旁泉中出小石如神前卦筴六觚兩角庶隅宛然

黑龍泉

在石墩山林壑深處有石岩岩下有雨泉滿而不溢左為人泉可飲右為神泉

飲之多腹痛取其水以禱雨輒應

飲馬泉

在合查山上峯頂一泓取之不竭不取不流俗名山神飲馬池

紫荆泉

在紫荆山南泉水甚大流出成河冬月不凍常有鴛鴦翠鳥翔遊其上

南泉

在縣北葦園坪南泉上有石方數丈石上有古栢栢根四出環抱其石密經細

織緯如

浩旻泉

在浩旻山南天門東山巔岩罅倒出如注